

p.15 line -8【此心自他共無因不可得】《觀心論疏》卷2：「中論云：諸法不自生。亦不從他生。不共不無因。是故說無生。廣破如論也。次破無情一切法求生不可得者。且寄穀子檢破。例餘一切法亦然也。何者？今問：穀子為自生、他生、共生、無因生耶？若言穀子自生者。不應藉水土而生耶。今實不爾。故知穀子不自生。若謂從水土之他生者。離穀子之外而水土之他應能生耶。今實不爾。故知他不能生也。若謂內由有穀子，外藉水土為因緣共生者。前已責自他各求生不可得。共云何生？共生有三過，如前說。若謂離穀子、水土，無因緣而生者。有因緣求生尚不可得。何況無因緣生耶。故云。諸法不自生等。」(T46, p.595, c17-29)「今問：夫計心生不生四句為自生？為他生？為共生？為無因生耶？若謂一念心起，不從外境，但從自心而生者，即自生也；即應常生，何得對境即生，不對不生。故經云。有緣思生，無緣思不生。故知心不自生也。若謂從境而生者。即他生也。若是他生，離於內心而應得生。若離必不能生，何謂他生耶。若言由內有心、外藉於境。內外和合共生。今問前責自生不得。即是內無有生。前責他生不得。即是外境無生。是二各無生。合共云何得生耶。如一沙無油，合兩沙亦無也。若內外各有生，合則兩生。又若必各自有生。何用共合而生耶。是則共生猶有三過也。若謂離心、離境、無因緣而生者，有因緣責生，尚不可得，何況無因緣而得有生耶。」(T46, p.595, c2-16)

p.16 line 6【離於四句】

1. 非「有」：若言其有，則能念之心，本體自空；所念之佛，了不可得。→常寂。
2. 非「無」：若言其無，則能念之心，靈靈不昧；所念之佛，歷歷分明。→常照。
3. 非「亦有亦無」：若言亦有亦無，卻是有念、無念俱泯。→不寂不照。
4. 非「非有非無」：若言非有非無，卻是有念、無念俱存。→而照而寂。

p.16 line -6【即相而無相】「即相離相」。《首楞嚴經》卷8「第八迴向」：「即一切法，離一切相；唯即與離，二無所著，名真如相迴向。」(T19, p.142, c2-3)《楞嚴經如說》卷8：「即相離相。非滅相離相也。無生可度。無佛可成。不著於即也。度無可度之生。成無可成之佛。不著於離也。前云遠離諸相者。離之極也。此則離亦不著矣。七住云無著者。不著於有為也。此則無為亦不著矣。」(X13, p.465, b14-19)《楞嚴經指掌疏》卷8：「至此，則正即時離。正離時即。故云唯即與離二無所著。所謂離即離非。是即非即。言語

道斷。心行處滅。迥絕諸妄。永無異體。故結名真如相也。此位明是迴向真如。若據結名。亦是以真如相行迴向佛道。」(X16, p. 252, a4-8)

p. 16 line -4【疏直謂觀佛法身】《觀無量壽佛經疏》卷 1：「第九觀佛真法身」(T37, p. 192, b25) 知禮《觀無量壽佛經疏妙宗鈔》卷 5：第九佛身觀，「真法身者，前觀寶像，則似佛身。今對彼似，故名為真。然此色相是實報身應同居土。…而特名法身者，為成行人圓妙觀也。良以報應屬修，法身是性。若漸教說。別起報應二修，莊嚴法身一性。若頓教詮，報應二修全是性具；法身一性，舉體起修，故得全性成修、全修在性。三身融妙，指一即三。問：既言指一即三，但名為應，自攝二身。何故疏文立法身稱？答：若言報應，恐濫別修，歸於別教。今以報應名為法身，即顯三身皆非修得。」(T37, p. 221, c9-19)

p. 19 line 13【離相融有、離性融空】「離相融有」：指第二門「攝名唯心」。「相」者，罪相、我相、名相、佛相、淨土相等；離此諸相攝歸一心，融合心性妙有，故云「離相融有」。「離性融空」：指第三門「心名俱泯」。「性」者，心性；「空」者，第一義空。二者俱泯，唯存真空，故云「離性融空」。「泯俗存真」：泯除著相的世俗諦，而存真諦的心性。「有空別融」：有「妙有」、有「真空」，尚存此二別，而作「俱泯」以融會之。

p. 19 line 19【波水動靜兩亡】《華嚴經行願品疏》卷 1：「一心法界，具含二門：一心真如門，二心生滅門。雖此二門皆各總攝一切法，而此二門亦不相離，亦無雜亂；其猶攝水之波非靜，攝波之水非動故。」(X05, p. 62, b20-23) 《華嚴經行願品疏鈔》卷 2：「以是二門不相離故，如金與莊嚴具。若以金攝具，具無所遺；以具攝金，則金無不盡。良以二門一揆，全體遍收，故得交徹等也。今此用者，先標交徹及不壞性相之所以也。真如即理，生滅即事，二門若非一心，即不交徹；一心若無二門，即壞性相。」(X05, p. 250, b18-23) 故云「不壞波濕」。

p. 19 line -8【離相不異離性】1. 離相→事壞而即理。(相即是事，乃舉緣起如幻之事，非妄計定相之事。) 2. 離性→理泯而即事。(此明無我理，非事外定空之理。) 3. 離相不壞相→事即理而事存。(不壞相，即第二門。真理隨緣所成之事為事，故約理時不失事。) 4. 離性不泯性→理即事而理存。(緣起無性之理，遍在緣起如幻之事中，故理存也。) 第 1、2 門同時，故事理雙奪(第 5 門)。第 3、4 門同時，故事理俱存(第 6 門)。第 5+6 門→第 7 門：「不壞不泯」不異「離相離性」。